

Uunga siunnersuut: Imaani avatangiisit illorsorneqarnissaat pillugu Inatsisartut inatsisaat nr. xx, 2017-imeersoq.

Kapitali 1

Aalajangersakkat aallaqqasiussat

§ 1. Inatsisartut inatsisaanni matumani pinngortitap avatangiisillu illorsorneqarnissaat siunertarineqarpoq, taamaalilluni inuiaqatigiit ineriarornerat piujuartitsinissamik tunngaveqarluni inuillu inuunermi atugarisaat ataqqillugit aammalu uumassusillit ataqatigiinnerata¹ nungutsaalineqarnissaat siunertaralugu ingerlanneqarsinnaaqqullugu.

Imm. 2. Inatsisartut inatsisaannik siunertarineqarpoq, pinngortitap avatangiisillu, pingaaartumillu imaanii avatangiisiniq mingutsitsinissap allatullu sunnerneqarsinnaanerata pinaveersaartinneqarnissaak killilersimaarneqarnissaat:

- 1) inuup peqqissusianut ulorianartorsiortitsisinnaasuni,
- 2) imaanii nunamilu pisuussutinik uumassusilinnik uumassusilinnillu allanik ajoqsiisinnaaasuni,
- 3) pisinnaatitaaffik naapertorlugu immap atorluarneqarneranut akornutaasinnaasuni, imaluunniit
- 4) sukisaarsarfiusinnaasutut nalilinnut akornutaasinnaasuni.

Imm. 3. Inatsisartut inatsisaanni imaanii umiarsualivinnilu mingutsitsisinnaanermut akiuinissamut upalungaarsimanerup ataavartinneqarnissaak qulakkeerneqassaaq.

§ 2. Inatsisartut inatsisaanni umiarsuit Kalaallit Nunaata imartaaniittut pineqarput.

Imm. 2. Inatsisartut inatsisaanni silaannakkut angallatit, Kalaallit Nunaata imartaaniittut imaluunniit imartaata silaannartaaniittut pineqarput.

Imm. 3. Inatsisartut inatsisaanni umiarsuit sorsuutit imaluunniit umiarsuit allat, naalagaaffiit arlaannitpigineqartut atorneqartulluunniit, aammalu niuerermik tunngaveqarani naalagaaffimmit atorneqartut pineqanngillat.

Imm. 4. Inatsisartut inatsisaanni sanaartukkat annertunerusut imaluunniit suliffeqarfiit allat imartami pilersinneqartut, avatangiisinut annertuumik sunniuteqartussatut isumaqarfigineqartut pineqarput.

Imm. 5. Inatsisartut inatsisaata umiarsuarnut silaannakkullu angallatinut malittarisassai nunap imartaani sumiiffinni sikuusuni suliaqarnernut taamatuttaaq atuupput, tamatumunnga sananeqaatinik atortunillu assartuinerit piaanerillu ilaatinneqarlutik, taamatut suliaqarnerit inatsisinut allanut ilaatinneqanngippata. *Imm. 6.* Nunap imartaani suliat, avatangiisinut mingutsitsinermik ajoqsiinermilluunniit nassataqartut, imaluunniit taamalisoqarnissaanik ulorianartorsiortitsisut, inatsisinut allanut ilaatinneqanngippata, Inatsisartut inatsisaanni § 35, imm. 2-mi ilaatinneqarput.

§ 3. Inatsisartut inatsisaat malillugu aqtsinermi uumassusillit ataqatigiinnerinut eqqarsaatiginninneq², mianersortussaanermut najoqqutassiaq, mingutsitsisup akiliisussaaneranut-najoqqutassiaq aammalu teknologiimik pissarsiarineqarsinnaasumik pitsaanerpaamik avatangiisinullu suleriaatsinik pitsaanerpaanik atuinermi anguneqarsinnaasut pingartinneqassapput.

§ 4. Inatsisartut inatsisaanni matumani ”imaarsineq” tassaatinneqarpoq umiarsuup ingerlanneqarnerannut atatillugu, sananeqaatinik atortunilluunniit imaanut kuutsitsinerit, seerisitsinerit imaluunniit suugaluartunilluunniit eqqaanerit.

Imm. 2. Inatsisartut inatsisaanni matumani ”eqqaaneq” tassaatinneqarpoq umiarsuarnit silaannakkuluunniit angallammit imaanut eqqaaneq suugaluartorluunniit, taamatullu umiarsuarmit silaannakkuluunniit angallammit imaluunniit taakku peqatigalugit sananeqaatinik atortunilluunniit eqqaaneq imaarsinerunngitsoq sunaluunniit.

Imm. 3. Sananeqaatinik atortunilluunniit imaanut inissiinermi eqqaanissamit allaanerusumik siunertaqarfiusumi inissiineq imaarsinertut eqqaanertulluunniit isigineqassanngilaq.

Imm. 4. Inatsisartut inatsisaanni matumani ”ikuallaaneq” tassaatinneqarpoq uunnatsitsilluni piuneerutsitsineq ikorsiullugu imaanut eqqaaneq sunaluunniit.

Imm. 5. Inatsisartut inatsisaanni matuma ”aaliskat pisallu” tassaatinneqarput aalisakkat, peqquit, uumasut qituttut, uumasut tinumasulinnik amillit, pullangasunik amillit³, imaata siuterui imaanilu uumasut miluumasut.

Imm. 6. Inatsisartut inatsisaanni matumani ”umiarsuaq” tassaatinneqarpoq angallat imaatigut angalasoq qanoluunniit ittoq, immami avatangiisini sulisoq, tassungalu angallatit sisoraatillit, qaatsiartaatit, aqqartartut, sulliviit puttasut aamma atortut puttasut ilaatinneqarput.

Imm. 7. Inatsisartut inatsisaanni matumani ”eqqagassat” tassaatinneqarput sananeqaatit, ilanngussaq 2-mi taaneqartut.

Imm. 8. Inatsisartut inatsisaanni matumani ”sineriak” tassaatinneqarpoq immap tininnerata killinga.

Imm. 9. Inatsisartut inatsisaanni matumani ”tunngaviusumik killeqarfik” tassaatinneqarpoq, imartap killeqarfianit, nunani tamalaani inatsisit naapertorlugit aalajangersarneqartup iluaniit avataaniillu killeqarfik tunngaviusoq, tak. Kalaallit Nunaata imartaata killeqarfia pillugu peqqussut.

Imm. 10. Inatsisartut inatsisaanni matumani ”nunap imartaa” tassaatinneqarpoq, nunap imartaa timerleq, tunngaviusumik killeqarfiup nunamut sammisortaani imartat ilanngullugit, kiisalu imartaq avalleq tunngaviusumik killeqarfiup imaanut sammisortaani imartat, tunngaviusumik killeqarfimmit 3 somilit tikillugit avassisusillit ilanngullugit.

Imm. 11. Inatsisartut inatsisaanni matumani ”killeqarfik aningaasaqarnikkut akisussaaffeqarfiusoq” tassaatinneqarpoq imaani sumiiffik, killeqarfifit aningaasaqarnikkut akisussaaffeqarfiusut pillugit inatsisip Kalaallit Nunaannut atuutsinneqalernissaa pillugu peqqussummi killissalersorneqarsimasoq, takuu Nunanut allanut ministereqarfiup Kalaallit Nunaata eqqaani killeqarfik aningaasaqarnikkut akisussaaffeqarfiusoq pillugu nalunaarutaa.

Imm. 12. Inatsisartut inatsisaanni matumani "imarpik" tassaatinneqarput imartat, nunap imartaasa inatsisitigut akisussaaffeqarfiisa avataanniittut.

§ 5. Imaanik mingutsitsinermik akiuiniarneq imaluunniit ilisimatusarneq siunertaralugu, mingutsitsinermut akiuiniarnermut ilisimatusarneq ilaattilugu, Naalakkersuisut akuersereersimatinnagit sananeqaatinik atortunillu Kalaallit Nunaata imartaani kuutsitsisoqassanngilaq ikualaasoqassananiluunniit.

Imm. 2. Pisuni ataasiakkaani imaluunniit pissutsit immikkut ittut atuutsillugit piffissami aalajangersimasumi killilerneqarsimasumi imm. 1 malillugu taamaallaat akuersissuteqartoqarsinnaavoq. Akuersissummi nalunaarutigineqassapput, sananeqaatit atortussalluunniit suut akuersissummi ilaatinneqarnersut, taakku katillutik qanoq annertussuseqarnersut kiisalu qanoq ililluni toqqortarineqassanersut, piffissanilu aalajangersimasuni nakkutilliinermut atatillugu misissugassanik tigooraasarneq nalunaarutiginnittarnerlu.

§ 6. Sulianut, Kalaallit Nunaanni aatsitassarsiornermut Inatsimmi ilaasunut atatillugu, tassungalu maleruagassiorneq, nakkutilliineq, upalungaarsimaneq akiuiniarnerlu ilanngullugit, imaani avatangiisink illersuineq inatsimmi ilaatinneqanngilaq.

Imm. 2. Ingerlatanut, avatangiisink illersuinissaq pillugu Inatsisartut inatsisaannut ilaasunut atatillugu, maleruagassanik aalajangersaaneq ilanngullugu, imaani avatangiisink illersuineq Inatsisartut inatsisaanni ilaatinneqanngilaq.

Imm. 3. Immani, nunap imartaata avataaniittuni, imaani avatangiisinut inatsit atuuttoq naapertorlugu maleruagassiorneqartartumi, imaani avatangiisink illersuineq Inatsisartut inatsisaanni ilaatinneqanngilaq.⁴

Kapitali 2

Uulia

§ 7. Inatsisartut inatsisaanni matumani "uulia" tassaatinneqarpoq, uuliat suulluunniit uumaatsuneersut tamakkunanngalu aikuukkat, matumani uulia salinneqanngitsoq, gassi imerpalasoq pinngortitameersoq, uuliap kinnikui uuliakullu eqqagassat, kiisalu uulia ikummatissaq uuliallu salinneqarlutik tunisassiat allat tamarmik, petrokemikaliat kapitali 3-mi ilaatinneqartut pinnagit.

§ 8. Kalaallit Nunaata imartaanut umiarsuarnit imaluunniit silaannakkut angallatinuit uuliamik imaarsisoqassanngilaq.

Kapitali 3

Akuutissat imerpasut annertoorsuanngorlugit assartorneqartartut

§ 9. Inatsisartut inatsisaanni matumani "akuutissat imerpasut" tassaatinneqarput akuutissat kissassutsimi $37,8^{\circ}$ C-mi aalanngorlutik $2,8 \text{ kp/cm}^2$ sinnerlugu naqitsineqalerneq ajortut.

Taamaakkaluartoq "akuutissanut imerpasunut" imeq ilaatinneqanngilaq.

Imm. 2. Inatsisartut inatsisaanni matumani "akuutissat ajoqsiisinnaasut, imerpasut" tassaatinneqarput akuutissat imerpasut, kapitali 17-imni imaluunniit 18-imni umiarsuit, akuutissanik ulorianaaatilinnik annertoorsuanngorlugit assartuisartut sananeqarnerinut atortulorsorneqarnerinullu IBC-kodemi akuutissat mingutsisisartut immikkoortinnejärneqarnerinut allattorneqartut imaluunniit § 10, imm. 2-mi suussusiisigut immikkoortitikkatut nalunaarsorneqarallartut .

§ 10. Kalaallit Nunaata imartaani akuutissanik imerpasunik, tassungalu akuutissat ajoqsiisinnaasut imerpasut ilanngullugit, annertoorsuanngorlugit assartorneqartunik imaarsinissaq inerteqqutaavoq.

Imm. 2. Akuutissat imerpasut IBC-kode-mut ilaatinneqanngitsut, kingusinnerusukkullu tassunga ilanngunneqartut, Kalaallit Nunaanni umiarsualivimmut tassanngaanniilluunniit assartorneqannginnermini MARPOL-imni isumaqatigiisummi Ilanngussaq II-mi maleruagassat naapertorlugit Naalakkersuisunit suussusiisigut immikkoortiterneqarlutik⁶ naluanaarsorneqarallassapput. Naalakkersuisut nunani MARPOL-imni isumaqatigiisummut ilaasut, assartuussinissamik eqqarsaatigineqartumik attuumassuteqartut naalakkersuisui peqatigalugit assartuinissamik eqqarsaatigineqartumik naliliigallassapput. Isumaqatigiittoqarsinnaanngippat, akuutissaq Kalaallit Nunaanni umiarsualivimmut tassanngaanniilluunniit assartorneqassanngilaq.

Imm. 3. Naalakkersuisut akuutissanik imerpasunik, annertoorsuanngorlugit assartorneqartartut suussusiisa immikkortiterlugit nalunaarsorneqartarneri⁶ pillugit maleruagassanik sukumiinerusunik aalajangersaasinnaapput, aammalu akuutissat imerpasut suussusiisa immikkortiterinik⁶ allattuiffiliorsinnaallutik.

Imm. 4. Naalakkersuisut imermik tankinut saligutaasumik usingiarnermut imaarsinermullu, aammalu aalajangersakkat malinneqarnerinik nakkutilliineq pillugu maleruagassiorsinnaapput. Taamatuttaaq inunniq nakkutilliinermik ingerlatsisussanik toqqaanissamut piginnaatitsinissamullu maleruagassiortoqarsinnaavoq.

Kapitali 4

Sananeqaatit atortussallu poortuusersugaasut, containerit il.il.

§ 11. Kalaallit Nunaata imartaani sananeqaatinik ajoqsiisinnaasunik, pooqartillugit assartorneqartunik umiarsuarmiit eqqaanissaq inerteqqutaavoq. Kiisalu akuutissanik umiarsuarmiit kuutsitsisarnerit killilerniarlugit sananeqaatit ajoqsiisinnaasut sananeqaatimikkut⁵,akuugaassutsimikkut⁵ uumassuseqassutsinullu⁵ sunniisinnaaneri

tunngavigalugit naapertuuttunik iliuuseqartoqartassalluni.

Imm. 2. Kalaallit Nunaata imartaa illersorniarlugu Naalakkersuisut malittarisassanik ersarinnerusunik aalajangersaasinjaapput, imaluunniit sananeqaatit atortussallu ajoqusiisinjaasut poortutissanik assigiinngitsunik, containerinik il.il., poortorneqarsimallutik assartorneqartarnerinut aalajangersakkanik aalajangersaasinjaallutik, taamatuttaaq ilimasaarisarneq pillugu maleruagassat ilaatinneqarput.

Kapitali 5

Sananeqaatit manngertut annertoorsuanngorlugit assartorneqartartut

Kalaallit Nunaata imartaata illersorneqarnissa siunertaralugu sananeqaatit manngertut, annertoorsuanngorlugit assartorneqartartut suussusiinik immikkoortiterineq pillugu Naalakkersuisut maleruagassanik aalajangersaasinjaapput, aammattaaq sananeqaatinik ajoqusiisinjaasunik imaarsisoqannginnissaanik, imaluunniit immikkut piumasaqaataasut aatsaat eqqortillugit imaarsisoqarsinjaaneranik maleruagassanik aalajangersaasinjaallutik. Sananeqaatit suussusiisa immikkoortiterisa nalunaarsorneqarfiannik Naalakkersuisut nalunaarsuusiorsinjaapput.

Kapitali 6

Imeq oqimaaloqutaasoq kinnerillu

§ 13. Inatsisartut inatsisaanni matumani ”imeq oqimaaloqutaasoq” tassaatinneqarpoq imeq, umiarsuup imermut oqimaaloqutaasumut tankianittooq, umiarsuarsuup makittarissusianut, uinganeranut, itsineranut, patajaassusaanut imaluunniit sukarutaanut nalimmassaatitut usiliunneqartartoq.

Imm. 2. Inatsisartut inatsisaanni matumani ”kinnerit” tassaatinneqarput, erngup umiarsuup oqimaaloqutaata kinneri.

Stk. 3. Kapitalimi matumani ” sananeqaatimigut akuerisaasoq ‘sukuluiaaveqarfik⁷,” tassaatinneqarpoq atortoqarfik, ilanngussaq 1-imut naapertuuttumik, naalagaaffimmi, imermut oqimaaloquttamut isumaqtigisummut akuersisimasumi oqartussaasumit suliffeqarfimmilluunniit akuersisussatut toqqarneqartumit akuerisaq naapertorlugu imermik oqimaaloquttamik sukuluiaaveqarfik⁷.

§ 14. Kapitali manna makkununnga atuutinngilaq:

- 1) Umiarsuarnut imermik oqimaaloquttamik atuisussatut ilusilerneqarsimanngitsunut.
- 2) Umiarsuarnut tankit imarneqartussaanngitsut atorlugit imermik oqimaaloquttamik ataavartumik atuisunut.
- 3) Umiarsuarnut naalagaaffit allat imartaanni suliaqartuunngitsunut.
- 4) Umiarsuarnut katillugit 50 meterit inorlugit takissuseqartunut aammalu annerpaamik 8 kubikmeterinik oqimaaloquttamik immerneqarsinjaasunik imeqarfilinnut, taamaallaat

sunngiffimmi sammisaqarnernut unamminernulluunniit atorneqarsinnaasunut, imaluunniit pingaarnertut ujarlernermut annaassiniarnermullu atorneqartunut. Umiarsuilli taamaattut annertunerpaamik imeq oqimaalutartik taassumalu kinnera kapitalimi matumani piumasaqaatit, maleruagassallu taanna malillugu aalajangersarneqarsimasut naapertorlugit suliarisassavaat.

Imm. 2. Kapitalimi matumani imermut oqimaaloquattamut, sumiiffimmi ataatsimi milluarneqartumut kuutsinneqartumullu atuutinngilaq, tamatumani sumiiffinnit allanit imermik oqimaaluttamik kinnernilluunniit akuiarneqanngitsumik akulerussisoqarsimannginnissaa apeqquaalluni.

§ 15. Iermik oqimaaloquatasumik imaarsineq taamaallaat kapitalimi matumani maleruagassat, taakkulu naapertorlugit maleruagassat aalajangersarneqartut aammalu ilanngussaq 1-imi allassimasut naapertorlugit pisinnaavoq. Imeq oqimaaloquatasoq sukuliaaveqarfimmik akuerisamik atorluarsinnaasumillu, nunani tamalaani passuussinissamut malitassatut aalajangersarneqartunik naammassinnittut atorlugit passunneqassaaq.

Imm. 2. Naalakkersuisut erngup oqimaaloquatasup suliarinissaanut⁸ sukumiinerusunik maleruagassiorsinnaapput, taakkununnga imermik oqimaaloquatasumik taarsiisarnermut passussinermullu maleruagassat ilaallutik.

Imm. 3. Naalakkersuisut nakkutilliinissamut maleruagassanik aalajangersaasinnaapput, taakkununnga imermik oqimaaloquatasumit misissugassanik tigusisarneq aamma oqartussaasut nakkutilliinermut aningaasartuutaannut akitsuutitigut aningaasalersuisarneq ilaallutik.

Imm. 4. Umiarsuarnut, Kalaallit Nunaata nunallu allat akornanni angallavinni aalajangersimasuni angalasartunut imermik oqimaaloquatasumik, nunani allani suliarineqartumik passussinissamut akuersissummik immikkut ittumik, nunap imartaata iluani atuuttussamik Naalakkersuisut tunniussisinnaapput. Naalakkersuisut immikkut ittumik akuersissutinut taamaattunut piumasaqaatinik allanik tapiliussisinnaapput. Umiarsuup ingerlanneqarneranut akisussaasup nammineerluni akilikkaminik immikkut ittumik akuersissutip, suliamik immikkut ilisimasalimmut Naalakkersuisunit akuerisaasumut nalilertinnissaa Naalakkersuisunit piumasarineqarsinnaavoq.

§ 16. Umiarsuit imermut oqimaaloquatasumut tankiinit kinnerit imaanut igitseqqusaaanngillat.

Imm. 2. Naalakkersuisut umiarsuit imermut oqimaaloquatasumut tankiinit kinnerit suliarinissaannut⁸ maleruagassanik sukumiisunik aalajangersaasinnaapput.

§ 17. Iermik oqimaaloquatasumik kinnernillu suliaqarnissamut kapitalimi matumani piumasaqaatit umiarsuarnut, imermik oqimaaloquatasumik tigooraavinnut, imaarsinissamut malitassanik ilanngussaq 1-imi allaaserineqartunik naammassinnittunut, aammalu isumaqatigiissummi tigooraavinnut maleruagassat naapertorlugit suliarineqarsimasunut imaarsisussanut atuutinngillat.

Kapitali 7

Imeq errortuutikoq

§ 18. Inatsisartut inatsisaanni matumani “imeq annanut errortuutikoq” kuuffitsigut kuutsinneqartoq tassaatinneqarpoq:

- 1) Sananeqaatit kuutsinneqartut aammalu perusuersartarfinit qorfinnillu eqqakkat suulluunniit,
- 2) napparsimmaviit initaanit (nakorsaaserivinnit, napparsimasut uninngaviinit il. il.) errortorfinnit, uffarfinnit kuuffinnillu ininut taamaattunut inissinneqarsimasunit sananeqaatit kuutsinneqartut,
- 3) sumiiffinit uumasulinnit sananeqaatit kuutsinneqartut, imaluunniit
- 4) imeq sunaluunniit sananeqaatinik 1-3-mi taaneqartunik akulik kuutsinneqartoq.

Imm. 2. Inatsisartut inatsisaanni matumani “imeq errortuutikoq qasersoq” tassaatinneqarpoq imeq, errorsivinniit, uffarfinniit, errorsisarfinniit errortorfinniillu kuutsinneqartoq.

Lasteqarfinniit imeq kuutsinneqartoq imermut errortuutikumut isortumut ilaatinneqanngilaq.

Imm. 3. Naalakkersuisut imermik errortuutikumik isortumik, imermik errortuutikumik kuuffitsigut kuutsinneqartumik aammalu imermik errortuutikumik allamik imaarsinissamut maleruagassanik aalajangersaasinnaapput, taakkununngalu umiarsuarnit, § 19, imm. 1-im iñerteqquteqarnermut ilaatinneqanngitsunit imaarsinissamut iñerteqquteqarneq ilaatinneqarpoq.

§ 19. Umiarsuit makkua imermik errortuutikumik kuuffitsigut kuutsinneqartumik nunap imartaanut kuutsitseqqusaannngillat:

- 1) Umiarsuit 400BRT-inik angissusillit anginerusulluunniit.
- 2) Umiarsuit 400BRT-t inorlugit angissusillit, inunnik 50-it sinnerlugit angallassinissamut akuerisat.

Imm. 2. Umiarsuit aalisariutit 75 BRT inorlugit angissusillit aamma angallatit sunngiffimi atorneqartartut imm. 1-imut ilaatinneqanngillat. Aamma imermik errortuutikumik kuuffitsigut kuutsinneqartumik sukuluiaaveqarfii⁷ akuerisaasut atorlugit imaarsinerit, imeq errortuutikoq sukuluiaaveqarfimmit kuunnermini imaani ersittunik sinnikoqassanngippat imm. 1-imut ilaatinneqarput.

Imm. 3. Naalakkersuisut, § 1 imm. 2-im iñellersuinissamut killissaritaasut eqqarsaatigalugit, atugassaritaasut erseqqinnerusumik aalajangersarneqartut tunngavigalugit umiarsuarnit imm. 1-im iñaatinneqartunit, taakkununnga umiarsuit akuttunngitsumik nunap imartaanit qimaguttartuunngitsut ilanngullugit, imermik errortuutikumik kuuffitsigut kuutsinneqartumik kuutsitsinissamut akuersissuteqarsinnaapput.

Imm. 4. Naalakkersuisut, § 1 imm. 2-im iñellersuinissamut¹¹ killissaritaasut allatorneqartut eqqarsaatigalugit, umiarsuarnit imm. 1-im iñaatinneqartunit, imermik annanik kuugussisummik kuuffitsigut kuutsinneqartumik kuutsitsisarnermut atugassaritaasut erseqqinnerusumik aalajangersarneqartut malillugit maleruagassanik aalajangersaasinnaapput.

Kapitali 8

Eqqagassat

§ 20. Kalaallit Nunaata imartaani igitassanik ilanngussaq 2-mi nassuarneqartunik eqqaasoqassanngilaq.

Imm. 2. Imm. 1-imni inerteqquteqarnermut ilaatinneqanngillat:

- 1) aalisakkanik, pisanik taakkuluunniit perlukuinik, angalanermi pisarineqartunik nutaanik eqqaaneq, angalanermi pisumi aalisarnermit piniarnermilluunniit eqqaaneq pissappat,
- 2) imaani tukertitsivinni-suliaqarnermi aalisakkanik nutaanik taakkuluunniit perlukuinik eqqaaneq, tassani aalisakkanik tukertitsiveqarfinnut⁷ inissinneqartussanik assartuinerup aamma aalisakkanik tukertitsiveqarfinnit⁷ taamaattunit assartuinerup aammalu umiarsualivinnut suliassanngorlugit assartuinerup ingerlanneqarneranni imaarsineq angalanermi ataatsimi pissappat, imaluunniit
- 3) sinerissami imaluunniit sinerissamut qanittumi errortuinermut, pilannermut assigisaanulluunniit atatillugu aalisakkanik, pisanik taakkuluunniit perlukuinik nutaanik imaarsisoqarpat.

Imm. 3. Aalisarnermi piniarnermilu piniutinik annaasaqarnissaq pinngitsoortinniarlugu iliuusissat naammaginartut tamarmik isiginiarneqarsimappata annaasaqartoornermi, imaanoluunniit avatangiisit illersorniarlugit imaluunniit umiarsuup inuttalluunniit isumannaassusiat eqqarsaatigalugu aalisarnermi piniarnermilu piniutinik igitsisoqassappat imm. 1-imni inerteqquteqarneq atutissanngilaq.

Imm. 4. Aalisakkanik, piniakkanik taakkuluunniit perlukuinik nutaanik umiarsuarnit tunitsivinnit aamma umiarsuarnit tunisassiorfinnit eqqaasarnermut Naalakkersuisut maleruagassanik aalajangersaasinnaapput.

Kapitali 9

Tigooraaveqarfit

§ 21. Uuliakunik akuutissanillu imerpelasunik ajoquisiisinnaasunik, imermik oqimaaloquutanut tankini kinnernik kiisalu umiarsualivinni igitassanik allanik tigooraaveqarfiit⁷ pilersinneqarnissaannut aaqqissuunneqarnissaannullu maleruagassanik Naalakkersuisut aalajangersaasinnaapput. Tamatumunnga ilagitillugu tigooraaveqarfinnik atuinermut akitsuusiinissamut maleruagassanik aalajangersaasoqarsinnaavoq, kiisalu umiarsualiviit, suliffeqarfiit orsersuisarfiit, suliffeqarfiit usingiaasartut uuliamilluunniit tigooraasartut, suliffeqarfiit usingiaasartut akuutissanilluunniit ajoquisiisinnaasunik tigooraasartut, kiisalu suliffeqarfiit umiarsuarnik iluarsaassisarfiit, imermik uuliakumik akuutissanik uumaatsunik akulimmik imermullu oqimaaloquttamut tankinit tankinullu saligutaasimasumik imaqtartunit, tigooraaveqarfinnik pilersitseqquneqarsinnaallutik.

Kapitali 10

Eqqaasарneq

§ 22. Kalaallit Nunaata imartaanut sananeqaatinik imaluunniit atortussanik eqqaasoqaqqusaannngilaq, tassanili aalisakkanik pisanillu, kiisalu aalisakkat pisallu perlukuinik, pinngortitameersunik aammalu immap naqqaneersunik qaqitanik, eqqaaneq, §§ 23 aamma 24, imaluunniit § 26 naapertorlugu maleruagassat aalajangersarneqartut naapertorlugit akuerisaasut pineqanngillat.

§ 23. Aalisakkanik pisanillu, kiisalu aalisakkat pisallu perlukuinik, sananeqaatinik pinngortitameersunik aammalu immap naqqaneersunik qaqitanik eqqaanissamut Naalakkersuisut akuersissuteqarsinnaapput. Eqqaanissamut akuersissuteqartoqartassaaq, eqqaavigineqartussami pissutsit erseqqissumik naliliivigineqareernerisigut.

Imm. 2. Immap naqqaneersut qaqitat iginneqarnissaannut akuersissumik qinnuteqaammik nalilinermi, pissutsit mianerisassallu ilanngussaq 3-mi allassimasut ilaatinneqassapput.

Imm. 3. Immap naqqaneersunik igitsinissamut akuersissumik aatsaat tunniussisoqassaaq, immap naqqaneersut akuutissanik sananeqaatinillu ilanngussaq 3-imni taaneqartunik annertunngitsunik kimittunngitsunillu akoqartut naliliisoqarpat, aammalu taakku immap naqqaneersunik eqqaanissaq siunertaralugu igitassanut ilaatinneqanngippata.

§ 24. § 23 naapertorlugu akuersissummi sananeqaatit atortussalluunniit suut akuersissummi ilaatinneqarnersut, taakku annertussusiat kiisalu eqqaavissap sumiissusia allassimassaaq. Qanoq periuseqarluni eqqaanissamut piumasaqaateqartoqarsinnaavoq, matumani nakkutilliineq isumannaallisaanerlu, iliuusissat nalunaaruteqarnissarlu ilaatinneqarlutik.

Imm. 2. § 23 naapertorlugu akuersissut allakkatigut qinnuteqartumut kiisalu oqartussanut suliapi suliarineqarnerani peqataatinneqartunut nalunaarutigineqassaaq. Akuersissuteqarneq pillugu nalunaaruteqarneq inuinnarnut, aalajangiinermut annertuumik soqutigisaqarsinnaasorisanut nalunaarutigineqassaaq, tamannalu tamanut ammasumik allagarsiinkut pisinnaavoq.

Imm. 3. Imm. 2 naapertorlugu tamanut ammasumik allagarsiinerup taamaallaat atortut digitaliusut atorlugit pissasoq Naalakkersuisut aalajangersinnaapput.

Imm. 4. Sananeqaatit atortulluunniit iginneqartussatut kissaatigineqartut qinnuteqartup akiligassaanik misissoqqissaarneqarnissaat Naalakkersuisut piumasarisinnaavaat. Qinnuteqartup suliapi suliarineqarneranut aningaasartuutit, tassungalu ilanngullugu qinnuteqaatinut aalajangersimasunut atatillugu avataaniit siunnersorneqarnermut allagarsiinermullu aningaasartuutit qinnuteqartumit matussuserneqarnissaat Naalakkersuisut piumasarisinnaavaat.

§ 25. §§ 23 aamma 24 naapertorlugit sananeqaatinik atortunilluunniit taamaattunik igitsinissamut akuersissuteqartoqqaartinnagu, sananeqaatit atortullu iginneqarnissaat siunertaralugu assartugassatut tunniussinissaq, assartuinissaq usilorsornissarluunniit inerteqquataavoq.

§ 26. §§ 22-25 naapertorlugit imaanut¹⁴ eqqaanermut maleruagassanik ersarinnerusunik Naalakkersuisut aalajangersaasinnaapput.

Kapitali 11

Umiarsuit inissitat qimaannakkallu

§ 27. Umiarsuaq nunap imartaanut inissinneqarsimasoq mingutsitsippat imaluunniit mingutsitsinissamut ulorianartorsiortitsippat, umiarsuaq peeqqullugu Naalakkersuisut akisussaasuuusumut peqqusisinnaapput.

Imm. 2. Imm. 1 umiarsuup nunap imartaani kisarneqarnera allatullu inissinneqarnera, umiarsuup nalinginnaasumik ingerlanneqarneranut atatillugu Imm. 1., atuutsinneqanngilaq.

§ 28. umiarsuaq nunap imartaanut qimaannagaq peeqqullugu Naalakkersuisut akisussaasumut peqqusissutigisinnaavaat

§ 29. Naalakkersuisut nalilerpassuk umiarsuarmit mingutsisisinnaanerup aarlerinaataa annikitsuinnaasoq, § 27-mi aamma § 28 malillugit peeqqusilluni pisussaaffiliinermik immikkut ittumik akuersigallarnissaq Naalakkersuisut nalunaarutigisinnaavaat. Saneqqutsinissamik immikkut ittumik akuersissummi taamaattumi inatsimmi allami piumasaqaatigineqartunik taarsiisinnaangilaq inatsimmi piumasaqaatit, inatsit alla naapertorlugu piumasaqaatigineqartut ilaatinneqanngillat, taamaattumillu umiarsuarmut akisussaasuuusup naleqquttumik sillimmasiisimanissaq qularnaveeqqusiisimanissaaluunniit piumasaqaataalluni.

Imm. 2. Imm. 1 naapertorlugu piumasaqaataasut malinneqanngippata, saneqqutsinissamik immikkut ittumik akuersissut erngerluni atorunnaarsinneqassaaq.

§ 30. Umiarsuarmut akisussaasuuusup § 27 imaluunniit § 28 naapertorlugu peqqusissut piffissap naammaginartup iluani naammassinngippagu, umiarsuaq pineqartoq akisussaasuuusup akiligassaanik Naalakkersuisut tunisinnaavaat peersinnaalluguluunniit. Taamatuttaaq akisussaasuuusup akiligassaanik Naalakkersuisut umiarsuaq isumagisinnaavaat, umiarsuaq umiarsualivimmur assigisaanulluunniit inississinnaallugu, umiarsuaq isumannaarniarlugu imaluunniit avatangiisink illersuiniarlutik pisariaqartunik nalunaaqutfersuisinnaapput aammalu umiarsuaq atortunik il.il. pisariaqartunik atortuldersorsinnaallugu.

Imm. 2. Imm. 1-ip immikkoortuani siullermi piffissamut killiliussaq, piffissamit pisinnaatisissummit pigisaqartut tamarmik ilisimatinneqareernerannit aallartittumik naatsorsorneqassaaq. Taakku ilaataaataaseq arlallilluunniit nassaarineqarsinnaanngippata, umiarsuaq tunineqartinnagu imaluunniit iginneqartinnagu oqartussaasut umiarsuaq sivikinnerpaamik qaammatini 3-ini inuttassarsiutissavaat.

Imm. 3. Umiarsuup taassumaluunniit ilaata umiunissaa imaluunniit mingutsisinermik kinguneqarnissaa annertuumik aarlerinartoqarpal, Naalakkersuisut umiarsuaq siumoortumik

peqqusinertaqanngitsumik iliuusissanik imm. 1-ip immikkoortuata aappaani taaneqartunik, aammalu umiarsuarmut akisussaasup akiligassaanik iliuuseqarsinnaapput.

Imm. 4. Umiarsuup taassumaluunniit ilaata umiunissaat imaluunniit mingutsitsinermik annertuumik kinguneqarnissaa annertuumik aarlerinartoqarpat, Naalakkersuisut umiarsuaq siumoortumik peqqusinertaqanngitsumik aammalu akisussaasuusup akiligassaanik umiarsuaq igissinnaavaat, igitsineq taamaattoq umiarsuup tunineqarnerani niuernermi nalinganik ajornerulersitsissasoq naatsorsuutigineqanngippat.

Imm. 5. Umiarsuit imm. 1-4-impi pineqartunut ilaasut amuneqarnissaannut Kalaallit Nunaanni umiarsualiviit tigusinissamut peqquneqarsinnaapput.

Stk. 6. Naalakkersuisut umiarsuaq imarsiornermut inatsimmi kapitali 4 naapertorlugu aallarnissamut inerteqquteqarfingineqarluni tigusarineqarsimagaluartoq nuussinnaavaat.

Imm. 7. Umiarsuit inissitat qimaannakkallu pillugit maleruagassanik ersarinnerusunik Naalakkersuisut aalajangersaasinnaapput.

Kapitali 12

Silaannarmik mingutsitsineq

§ 31. Kalaallit Nunaata imartaani sananeqaatinik atortussanilluunniit ikuallaasoqassanngilaq.

Imm. 2. Imaani ikuallaanissaq siunertaralugu sananeqaatit atortussalluunniit assartugassanngorlugit tunniunneqarnissaat, assartorneqarnissaat usilersunneqarnissaalluunniit inerteqqutaavoq.

Imm. 3. Imm. 1-impi aamma 2-mi aalajangersakkat umiarsuit nalinginnaasumik ingerlanneqarneranni eqqagassanngortut ikuallanneqartarnerannut atutissanngillat, ikuallaanermi ikuallaaveqarfik akuerisaq atorneqarpat. Aammattaaq imm. 1-impi aamma 2-mi aalajangersakkat atutissanngillat, kuuffit uuliallu kinneri umiarsuup maskiinaani pingaarningerni imaluunniit maskiinaani tapertaasuni uunnaavinniluunniit ikuallanneqarpata, kuuffit uulialluunniit kinneri umiarsuup ingerlanneqarneranit nalinginnaasumit pisuuppata, aammalu ikuallaaneq umiasuarliviit, kangerlumarnit, kangerluit sumiiffiilluunniit assingusut avataanni pippat.

Imm. 4. Umiarsuarmi sananeqaatinik makkuninnga il.il. ikuallaanissaq inerteqqutaavoq:
1) Usit sinnikui, MARPOL-imut isumaqatigiisummut ilangussaq I-III-p ataani allassimasut, kiisalu poortutissat mingutsinnejqarsimasut taakkununnga atasut.

- 2) Polychloreret biphenyl (PCB).
- 3) Eqqagassat, ilangussaq 2-impi nassuiardeqartutut, safiugassanik oqimaatsunik annikitsuniit annertunerusumik akoqartut.
- 4) Uuliamik tunisassiassat akuiakkat, halogen-inik katitikkanik akoqartut.
- 5) Polyvinylchlorid (PVC), tassani ikuallaavinni FN-ip Imarsiornermut Suliniqatigiiffianit akuerineqartut atorlugit ikuallaasarneq ilaatinneqarani.

Imm. 5. Naalakkersuisut ingerlatsinermit nalinginnaasumit eqqagassanik ikuallaasarnermut maleruagassanik ersarinnerusunik aalajangersaasinnaapput.

§ 32. Umiarsuarnit sananeqaatinik ozonimik nungukkiartitsisartunik sunilluunniit ilisimaaralugu aniatitsisarneq inerteqqutaavoq, tassungalu aserfallatsaaliuinermut, iluarsaassinermut imaluunniit sullississutnik atortunilluunniit eqqaanermut atatillugu aniatitsinerit ilaatinneqarput.

Imm. 2. Sananeqaatinik ozonimik nungukkiartitsisartunik katersueqqinnermut atueqqinnermulluunniit atatillugu aniatitat annikitsut imm. 1-imut ilaatinneqanngillat.

Imm. 3. Atortulersuutit 19. maj 2005-ip kingorna atulersimasut sananeqaatinik ozonimik nungukkiartitsisartunik akoqarnissaat inerteqqutaavoq. Kisianni hydrochlorofluorocarbonit (HCFC) umiarsuarni atortulersuutinut atorneqarsinnaapput, atortulersuutit 1. januar 2020 sioqqullugu atorneqalersimappata.

Imm. 4. Naalakkersuisut sananeqaatit ozonimik nungukkiartitsisartut pillugit maleruagassanik ersarinnerusunik aalajangersaasinnaapput.

§ 33. Kalaallit Nunaata imartaanik allanngutsaaliuinissaq siunertaralugu umiarsuarnit silaannarmik mingutsitsinerup killilersimaarneqarnissaa siunertaralugu immikkut iliuusissat, matuma siuliani maleruagassanut ilaatinneqanngitsut pillugit Naalakkersuisut maleruagassanik ersarinnerusunik aalajangersaasinnaapput, tassunga ikummatissanik ikualaanermi silaannarmut aniatitassanut killissarititat aammalu ikummatissanik aalajangersimasunik atuinissamut inerteqquteqarneq ilaatinneqarlutik.

Imm. 2. Suliffeqarfiiit umiarsuarnut tunisisartut imaluunniit ikummatissamik pilersuisartut nammineerlutik akilikkaminnik, ikummatissap umiarsuarnut tunisamik imaluunniit pilersuutigisamik annertussusaanut katitigaaneranullu upternarsaatnik piniartarnissaat, uninngatitsisarnissaat imaluunniit tunniussisarnissaat pillugu maleruagassanik ersarinnerusunik Naalakkersuisut aalajangersaasinnaapput. Aammattaaq upternarsaatit aalajangersimasumik iluseqarnissaannut maleruagassanik aalajangersaasoqarsinnaavoq.

Kapitali 13

Imaatigut angallannermi killilersuinerit

§ 34. Mingutsisinissamik pinngitsoortitsiniarneq killilersuinissarluunniit siunertaralugu umiarsuit aalajangersimasut, Kalaallit Nunaata imartaani angalasut, imaatigut angallannerinut tamatumunngalu atatillugu suliaannut killilersuinissamut maleruagassanik ersarinnerusunik, killiliinerit nunani tamalaani inatsisit malillugit atuuttut atuutsillugit, Naalakkersuisut aalajangersaasinnaapput.

Kapitali 14

Imaani mingutsitsinerit alla

§ 35. Nukissiuutit, sananeqaatit atortussalluunniit, Inatsisartut inatsisaanni aalajangersakkanut allanut ilaatinneqanngitsut atorlugit mingutsisinissamut pinaveersaartitsinermut akornusiinissamullu maleruagassanik Naalakkersuisut

aalajangersaasinnaapput.

Imm. 2. Suliat avatangiisink mingutsitsinermik nassataqartut imaluunniit ajoquisiisut taamaalisoqarsinnaaneranilluunniit ulorianartorsiortitsisut, Inatsisartut inatsisaasa aalajangersagaannut allannut ilaatinneqanngitsut pillugit, avatangiisint sunniutigisinnaasaat pillugit, Naalakkersuisut maleruagassanik aalajangersaasinnaapput, aalajangiisinnaapput piumasaqaateqarsinnaallutilluunniit.

Kapitali 15

Illuliassanik sanaartugassanillu akuersinissamut atatillugu avatangiisint sunniutaasussanik naliliisarneq (VVM)

§ 36. Nunap imartaani sanaartugassat annerusut imaluunniit suliffeqarfinnik allanik pilersitsinerit, avatangiisint annertuumik sunniuteqartussatut isumaqarfigineqartut Naalakkersuisut tamatumunnga akuersiteqqaarnagit aallartinneqaqqusaanngillat.

Imm. 2. Imm. 1 naapertorlugu akuerineqarnissamik qinnuteqarnermut atatillugu suliassap avatangiisint sunniutissai pillugit nassuaammik Naalakkersuisunut nassiussisoqassaaq.

Imm. 3. Naalakkersuisut makku pillugit maleruagassanik ersarinnerusunik aalajangersaasinnaapput:

- 1) Suliffeqarfiit, sanaartukkat aaqqissuussallu suut, imm. 1 naapertorlugu akuersissuteqartussaatitaanermut ilaatinneqarnersut.
- 2) Qinnuteqartarnermut akuersissuteqartarnermullu aaqqissuussinerup ilusissaanut imassaannullu piumasaqaatit.
- 3) Nassuaammi avatangiisint sunniutissat pillugit naliliinerup imassaanut piumasaqaatit, taakkununnga inuit tamat akuutinneqarnissaannut piumasaqaatit ilanngullugit.
- 4) Nalunaarusiortussaatitaaneq.
- 5) Akuersissuteqartarnermut atatillugu atugassarititaasut.
- 6) Matusineq tamatumalu kingorna suliareqqiineq.
- 7) Qularnaveeqqusiqineq.
- 8) Atugassarititaasunik unioqqutitsineq.
- 9) Inerteqqutit peqqusissutilu.
- 10) Imminut nakkutilliivigarneq aamma avatangiisink misissuisarneq.
- 11) Suliap suliarineqarneranut atatillugu oqartussaasut aningaasartuutaannut matussutissatut akiliutit.

Kapitali 16

Upalungaarsimaneq

§ 37. Kalaallit Nunaata imartaani , inatsisartut inatsisaannut imaluunniit taanna tunngavigalugu maleruagassiani aalajangersakkanut ilaatinneqartumi mingutsitsinermik akiuiniarneq Naalakkersuisunit oqartussaasumilluunniit allamit, Naalakkersuisunit isumaqatigiisuteqarfingeqarsimasumit isumagineqassaaq. Aammattaaq

mingutsitsinermi akiuinerup isumagineqarnissaa pillugu Naalakkersuisut suliffeqarfinnut isumaqatigiissuteqarsinnaapput.

Imm. 2. Mingutsitsisoqarsimatillugu sinerissamik saliineq communalbestyrelsimit eqorneqartumit isumagineqassaaq. Taamaattorli Nunami allanngutsaaliukkap sineriaani saliineq Naalakkersuisunit isumagineqassaaq.

Imm. 3. Imm. 1 naapertorlugu, aamma Nunamut Allanngutsaaliukkanut tunngatillugu imm. 2 naapertorlugu upalungaarsimanissamut pilersaarutit Naalakkersuisunit suliarineqassapput, aammalu imm. 2-mi communalbestyrelsit taaneqartut upalungaarsimanermut pilersaarusoqqullugit peqqusinnaallugit. Imm. 1 naapertorlugu suliffeqarfinnut imaluunniit oqartussaasumut allamut isumaqatigiissuteqartoqarpat, Naalakkersuisut upalungaarsimanermut pilersaarusiornermi taakku akuutissinnaavaat.

§ 38. Upalungaarsimanissamut akiuiniarnissamullu iliuusissanik, tassungalu iliuusissanut taamaattunut piffissaliussat annertussusiliussallu ilanngullugit, aallartitsinissamut aalajangiinerit Naalakkersuisunit imaluunniit oqartussaasunit allanit ingerlateqatigiiffinniilliunniit, § 37, imm. 1 naapertorlugu Naalakkersuisunit isumaqatigiissuteqarfigineqarsimasunit aalajangiiffigineqartassapput.

Imm. 2. Inatsisartut inatsisaannut taakkuluunniit naapertorlugit maleruagassatut aalajangersakkanut ilaasumik, mingutistsisoqarsimappat tamatumunngaluunniit ulorianartorsiortoqarpat, pissutsit atuuttut periarfissaqartitsinngitsut imaluunniit pisariaqartitsiviunngitsut, oqartussaasoq akisussaasoq naliliinngippat, upalungaarsimanermut akiuiniarnermullu iliuusissat aallartinneqassapput.

Imm. 3. Imm. 1 aamma 2 naapertorlugu aalajangiinerni sullissinermut inatsit tunngavagineqanngilaq, taamaattumillu attuumassuteqartunut siumoortumik tusarniaanissamut pisariaqartitsiviunatik.

§ 39. § 37 naapertorlugu upalungaarsimanissamut pilersaarusiornermi aamma § 38 naapertorlugu upalungaarsimanissamut akiuiniarnissamullu iliuuseqarnermi pissutsit immikkut ittut, Kalaallit Nunaanni imaani avatangiisink illersuiniarnermut atuuttut eqqarsaatigineqassapput, siusinaartumik pinaveersaartitsilluni iliuuseqarnissamut pisariaqartitsineq immikkut pingaartinneqarmat.

Imm. 2. Upalungaarsimanermut pilersaarutinut § 37 naapertorlugu suliarineqartunut aamma upalungaarsimanermi akiuiniarnermilu iliuusissanut § 38 naapertorlugu suliarineqartunut aamma avatangiisink alapernaarsuineq, oqartussaasut mingutsitsinermik pisumi isumagisaqarnerinut ilanngullugu ilaatinneqarsinnaavoq.

Kapitali 17

Nalunaaruteqartarneq

§ 40. Inatsisartut inatsisaannik imaluunniit maleruagassanut taanna malillugu aalajangersarneqarsimasunik, imaluunniit § 58-imu ilaatinneqartunik unioqqutitsilluni imaarsisoqarpat eqqaasoqarpalluunniit, umiarsuarmik piginnittut, atuisut, umiarsuit naalagaat kiisalu ilisimasortat Naalakkersuisunut ingerlaannartumik nalunaaruteqassapput. Kiisalu apornerni, immap naqqanik kalluaanerni imaluunniit ikkarlinnerni qanorluunniit ittuni piaartumik nalunaarutiginnitoqassaaq. Taamatuttaaq imaartoornissaq aarlerinaateqarpat nalunaarutiginnitoqassaaq.

Imm. 2. Inatsisartut inatsisaannik imaluunniit taanna tunngavigalugu maleruagassanik aalajangersarneqartunik, imaluunniit § 58-imu ilaasunik unioqqutitsilluni silaannakkut angallammit igitsisoqarpat allatulluunniit aniatitsisoqarpat, silaannakkut angallatinik piginnittut, atuisut aquttullu Naalakkersuisunut erngerlutik nalunaaruteqassapput.

Imm. 3. Inuit imm. 1-imu aamma 2-mi taaneqartut uuliamik imaluunniit akuutissanik imerpelasunik ajoqsiisinnaasunik mingutsitsisoqarneranik, tassungalu ilanngullugu sananeqaatit atortullu poortorsimasut mingutsitsinissamut ulorianartorsiortitsinerannik umiarsuarmiit imaluunniit silaannakkut angallammiit malugisaqarunik erngerlutik Naalakkersuisunut nalunaaruteqassapput.

Imm. 4. Umiarsualivimmi uuliamik akuutissanilluunniit imerpelasunik ajoqsiisinnaasunik annertuumik maangaannaq kuutsitsinermik, tassungalu ilanngullugu sananeqaatit atortullu poortorsimasut mingutsitsinissamut ulorianartorsiortitsinerannik malugisaqartoqarpat, umiarsualivimmi oqartussaasut erngerlutik Naalakkersuisunut nalunaaruteqassapput..

Imm. 5. Immap qaani mingutsitsisunik seerisoqarsimasunik imaluunniit usinik imaani tissukartunik malugisaqartoqarnerani, umiarsuarmi aquttoq erngerluni nalunaaruteqassaaq.

Imm. 6. Imm. 1-5-imu taaneqartutut pisoqartillugu, inuit oqartussaasullu taaneqartut, taakkununngalu qinnuteqartoqarnera ilanngullugu, Naalakkersuisunit aammalu oqartussanit § 37-imu taaneqartunit piumaffigineqarnermikkut paassisutissat, oqartussaasut pisumik naliliinerannut, tassungalu ilanngullugu immamik mingutsitsinissaq pinngitsoortinniarlugu, imaluunniit mingutsitsineq akiorniarlugu iliuuseqarnissap aallartinnissaanut pingaaruteqartut tamaasa nalunaarutigissavaat.

§ 41. Assartuutinik piginnittut, atuisut taakkulu aquttui akuersisummiq pigisaqaratik imaanut eqqaasimagunik imaaniluunniit ikuallaasimagunik, tamanna Naalakkersuisunut ingerlaannartumik nalunaarutigissavaat.

§ 42. Naalakkersuisut §§ 40-mi aamma 41-mi aalajangersakkat malitsinneqarnissaat pillugu maleruagassanik ersarinnerusunik aalajangersaasinnaapput.

Imm. 2. Imaanik mingutsitsinerit §§ 40-mi aamma 41-mi ilaatinneqartunit allaanerusut nalunaarutigineqartarnissaat pillugu maleruagassanik Naalakkersuisut aalajangersaasinnaapput.

§ 43. Tuniniaasut, nioqqutissanik eqquussuisut, nioqqutissanik annissuisut, assartuisartut umiarsualivinnilu oqartussaasut, umiarsualivinni usilersuuttakkat niooqqartakkallu sananeqaatit atortullu katitigaaneri annertussusaallu pillugit paasissutissiisarnissaannik Naalakkersuisut maleruagassanik aalaajangersaasinnaapput.

Imm. 2. Umiarsuit usiinut ulorianaatilinnut imaluunniit mingutsitsisunut paasissutissanik nalunaarutiginnittarneq aamma paasissutissanik taamaattunik tigusisarnermut, uninngasuuteqartarnermut ingerlatitseqqittarnermullu aaqqissuussinermik pilersitsinissaq pillugu maleruagassanik Naalakkersuisut aalajangersaasinnaapput.

Imm. 3. Pissutsit, umiarsuakkut nassiussisup ulorianaatilinnik mingutsitsisunillu nassiussiartornermi ingerlatsinermi sissuigassai pillugit maleruagassanik Naalakkersuisut aalajangersaasinnaapput.

Kapitali 18

Akuliunneq

§ 44. Umiarsuarmit imaarsineq imaluunniit imaarsisoqarsinnaaneranut ulorianartorsiorneq Inatsisartut inatsisaannut imaluunniit maleruagassanut taanna naapertorlugu aalajangersarneqarsimasunut, imaluunniit § 58-imi pineqartunut ilaasunut akerliusq pisimappat, imaani mingutsitsinissamik pitsaliuinissaq imaluunniit akiuniarnissaq pisariaqartillugu Naalakkersuisut aamma oqartussaasut § 49-imi taaneqartut, pissusissamisoortumik kinaassutsimut upternarsaammik takutitsinikkut, eqqartuussivimmi aalajangiinertaqanngitsumik umiarsuarmik misissuisinnaapput. Misissuineq umiarsuarmut pisariaqanngitsumik kinguaattoornermk imaluunniit pisariaqanngitsumik aningaasartuuteqarnermk kinguneqassanngilaq.

§ 45. Umiarsuarmit imaarsineq imaluunniit imaarsisoqarsinnaaneranut ulorianartorsiorneq Inatsisartut inatsisaannut imaluunniit maleruagassanut taanna naapertorlugu aalajangersarneqarsimasunut, imaluunniit § 58-imi pineqartunut ilaasunut akerliusq pisimappat, aammalu inerteqquteqarneq peqqusissuteqarnerluunniit imaani mingutsitsinissamik pitsaliuinissaq akiuniarnissarluunniit pisariaqartinneqarpat, Naalakkersuisut aamma oqartussaasut § 49-imi taaneqartut umiarsuup ingerlaqqinnissaanut allanilluunniit suliaqarnissaanut inerteqquteqarfigisinnaavaat, imaluunniit imaatigut angalanermi imaluunniit allanik suliaqarnermi maleruagassat aalajangersimasut malinneqarnissaannik peqqusinnaallugu.

Imm. 2. Imaani avatangiisinut annertuumik kinguneqarsinnaasumik mingutsitsitsinissap pinngitsoortinneqarnissa akiorniarneqarnissaalu pisariaqarpat, oqartussaasut imm. 1-imi taaneqartut saniatigut allanik iliuuseqartoqarnissamik aalajangiisinnaapput.

Imm. 3. Imm. 1 aamma 2 malillugit inerteqquteqarnissamik peqqusissuteqarnissamilluunniit aalajangiineq sapinngisamik piaernerpaamik umiarsuarmi aquttumut, piginnittumut imaluunniit atuisumut allaganngorlugu imaluunniit nalunaarasuartaatitigut nalunaarutigineqassaaq, inerteqquteqarnermut peqqusissuteqarnermulluunniit tunngaviusoq

pillugu paasissutissiinertalimmik, aammalu unitsitsisoqarsimappat atugassarititaasut unitsitsinerup atorunnaarnissaanut tunngaviusut pilligit paasissutissiinertalimmik.

Imm. 4. Umiarsuarnut inerteqquteqartarnermut peqqussuteqartarnermullu maleruagassanik ersarinnerusunik Naalakkersuisut aalajangersaasinnaapput.

§ 46. Naalakkersuisut umiarsuup Kalaallit Nunaanni umiarsualivimmut tulannissaanut inerteqquteqarsinnaapput:

- 1) umiarsuaq § 45 naapertorlugu inerteqquteqarfingineqaraluarluni peqquneqaraluarluni luunniit aallarpal angalaannarpalluunniit,
- 2) umiarsuaq amutsivimmut iluarsaassivissamut, pissutsit inerteqquteqarnermut peqqussuteqarnermulluunniit peqqutaasut iluarsineqarnissaat siunertalarugu Naalakkersuisunut isumaqtigiiissuteqarnikkut toqqarneqartumut tulanngippat, imaluunniit
- 3) umiarsuaq nunani allani inerteqquteqarnermut peqqussuteqarnermulluunniit akerliusimappat.

Imm. 2. Umiarsuaq tulannissamut inerteqquteqarfingineqarpat, umiarsuup ingerlaannarnissaa inuit inuunerannik annaasaqarnissamut ulorianartorsiortitsippat, immami avatangiisink ajoqsiinissamut ulorianartorsiortitsippat, isumannaallisaanermi eqqarsaatigisassat pisariaqartitsiviulluinnarpata imaluunniit ajoqutinik amigaatinillu aaqqiinissaq siunertarineqarpat, Naalakkersuisut Kalaallit Nunaanni umiarsualivimmut aalajangersimasumut tulannissamut akuersissuteqarsinnaapput.

Imm. 3. Pissutsit tulannissamut inerteqquteqarnermut peqqutaasut iluarsineqarpata, Naalakkersuisut tulannissamut inerteqquteqarneq atorunnaarsissavaat.

§ 47. Inatsisartut inatsisaannut imaluunniit taanna naapertorlugu maleruagassanut aalajangersarneqartunut imaluunniit § 58-imi pineqartunut ilaasunut akerliusumik mingutsitsisoqarsimappat, imaluunniit taamatut pisoqarnissaa aarlerinaateqarpat, tamannalu upalungaarsimanermut imaluunniit akiuiniarnermut iliuusissanut aningaasartuuteqarnermik kinguneqarpat, iliuusissanut naammaginartunut tamanut aningaasartuutit taamaattut umiarsuup piginnittuanit akilerneqassapput.

Imm. 2. Naalakkersuisut aamma oqartussaasut § 49-imi taaneqartut umiarsuarmik piginnittoq aningaasartuutinut imm. 1-imi taaneqartunut qularnaveeqquseeqqullugu peqqusinnaavaat, kiisalu qularnaveeqquisiissuteqarnissap tungaanut umiarsuaq uninngaqquneqassasoq aalajangiisinnallutik. § 45, imm. 3, taamatuttaaq atuutissaq.

§ 48. § 47 naapertorlugu imaani sinerissamilu upalungaarsimanermut akiuiniarnermullu iliuusissanut aningaasartuutit mingutsitsisumut akilersinneqarnissaat ajornartillugu, aningaasartuutit taakku § 37-mi akisussaaffinnik agguaanissaq naapertorlugu Naalakkersuisunit, kommunalbestyrelsimit oqartussaasumilluunniit allamit akilerneqassapput.

Kapitali 19

Nakkutiginninneq

§ 49. Inatsisartut inatsisaanni aalajangersakkat aammalu taanna naapertorlugu maleruagassat aalajangersarneqarsimasut malinneqarnerisa nakkutigineqarnera pillugu maleruagassanik Naalakkersuisut aalajangersaasinnaapput.

Imm. 2. Issittumi Sakkutooqarfik aamma politit Inatsisartut inatsisaanni aalajangersakkat aammalu taanna naapertorlugu maleruagassat aalajangersarneqartut malinneqarnerat nakkutigissavaat.

Imm. 3. Oqartussaasut imm. 1-im aamma 2-im taaneqartut kinaassutsimut upfernarsaammik pisusissamisoortumik takutitsinikkut, eqqartuussivimmi aalajangiinertaqanngitsumik umiarsuarmik taassumalu allagartaannik misissuisinnaapput, kiisalu Inatsisartut inatsisaata aammalu taanna malillugu maleruagassat aalajangersarneqartut malinneqarnerat misissorniarlugu misissugassanik tigusisinnaallutik. Misissuineq umiarsuup pisariaqanngitsumik kinguaattoorneranik imaluunniit pisariaqanngitsumik aningaasartuuteqarneranik kinguneqassanngilaq.

§ 50. Pissutsit unioqqutitsiviusut annertuumik pingaaruteqanngitsut imaluunniit pissutsit unioqqutitsiviusut avatangiisirut sunniutissaat inatsisinik malitsitsilernissamut aningaasartuutissanut naleqqiunneqarsinnaanngitsut Naalakkersuisut naliliippata, inatsisinik malitsitsilerniarluni aallartitsisoqassanngitsoq Naalakkersuisut aalajangersinnaapput.

Kapitali 20

Attaveqaqatigiittarneq tamanullu ammasumik saqqummiussisarneq

§ 51. Inatsisartut inatsisaat malillugu akuersissuteqarnissaq, akuerineqarnissaq kiisalu allanik aalajangiinissaq nalunaaruteqarnissarlu sioqqullugit innuttaasunik attaveqaqateqarnissamut, tamanut ammasumik saqqummiussinissamut aammalu tamat peqataatinneqarnissaannut maleruagassanik ersarinnerusunik Naalakkersuisut aalajangersaasinnaapput. Innuttaasunik taamatut attaveqaqateqarneq aammalu tamanut saqqummiussineq tamanillu peqataatisineq qarasaasiatiguinnaq pisinnaanera pillugu, maleruagassanik Naalakkersuisut aalajangersaasinnaapput

Kapitali 21

Maalaaruteqartarneq eqqartuussisunullu suliassanngortitsisarneq

§ 52. Inatsisartut inatsisaat manna imaluunniit taanna tunngavigalugu maleruagassat aalajangersarneqartut Avatangiisilik illersuinissamut Maalaaruteqartarfimmut, avatangiisilik innarlitsaaluiinissaq pillugu Inatsisartut inatsisaat naapertorlugu pilersinneqartumut maalaarutigineqarsinnaapput.

Imm. 2. Maalaaruteqarsinnaatitaapput:

- 1) Aalajangiiffigineqartoq.
- 2) Nunatsinni Nakorsaaneqarfik.
- 3) Kikkulluunniit suliap inerneranut immikkut imaluunniit annertuumik soqtigisaqartutut isumaqarfigineqarsinnaasut.
- 4) Peqatigiiffiit suliniaqatigiiffiillu, malittarisassatik malillugit sukisaarsaarnermut, avatangiisirut pinngortitamullu soqtigisanik annertuunik isumagisaqarnissamik siunertaqartut.

Imm. 3. Maalaaruteqarnissamut piffissarititaasoq, kingusinnerpaamik piffissanit ukunannga naatsorsorlugu sapaatit akunnerinik arfinilinnik sivisussuseqarpoq:

- 1) Ulloq, aalajangiinerup aalajangiiffigineqartumut nalunaarutigineqarneqarfia.
- 2) Ulloq, akuersissuteqarnerup tamanut ammasumik saqqummiunneqarfia, Inatsisartut inatsisaat manna imaluunniit taanna tunngavigalugu maleruagassat aalajangersarneqartut malillugit tamanut saqqummiussinissamut pisussaaffiliisoqarsimappat.

Imm. 4. Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat.

§ 53. Avatangiisit pillugit Maalaaruteqartarfiup suliamut tunngatillugu aalajangernissaata imaluunniit maalaaruteqartarfiup allamik aalajangiinissaata tungaanut akuersissutinik, akuerinninnernik immikkullu ittumik akuersissutinik aamma peqqussutinik inerteqqutinillu utertitsinernut allannguinernulluunniit, maalaarut atorunnaarallartitsinermik sunniuteqassaaq.

Imm. 2. Oqartussaasoq akuersissummik utertitsisoq allannguisorluunniit, imaluunniit peqqussuteqartoq inerteqquteqartorluunniit avatangiisink innarlitsaaliuinissaq eqqarsaatigalugu pisariaqarpat, aalajangiinermut taamaattumut peqatigitillugu aalajangiisinnaavoq, maalaaruteqartoqarnera apeqqutaatinnagu iluarsisassanik iluarsiissasoq.

Imm. 3. Imm. 2 naapertorlugu aalajangiineq maalaarutigineqarpat, tamanna apeqqutaatinnagu, maalaaruteqartarfiup allamik aalajangiinissaata tungaanut akuersissummik utertitsineq, allannguineq, peqqussuteqarneq inerteqquteqarnerluunniit naammassineqassaaq.

§ 54. Naalakkersuisut allamik aalajangiisimanngippata akuersissutip, akuersissuteqarnerup imaluunniit immikkut ittumik akuersinerup maalaarutigineqarnera atorunnaarallartitsinermik kinguneqassanngilaq. Akuersissutit ilaat, akuerinninnerit aamma immikkut ittumik akuersissutit maalaaruteqarnissamut piffissaliussap iluani atornerlunneqannginnissaanut, aammalu maalaarutip atorunnaarallartitsinermik kinguneqarnissaanut maleruagassanik Naalakkersuisut aalajangersaasinnaapput.

Imm. 2. Imm. 1-imi aalajangersagaq maalaaruteqartarfiup akuersissummik, akuersissuteqarnermik imaluunniit immikkut ittumik akuersissummik maalaarutigineqartumik allannguisinnaaneranut atorunnaarsitsisinnaaneranulluunniit killiliinermik kinguneqassanngilaq.

§ 55. Inatsisartut inatsisaat manna imaluunniit maleruagassat taanna tunngavigalugu suliarineqartut malillugit akuersissutip, akuersissuteqarfigineqarnerup imaluunniit immikkut ittumik akuersissutip atornerlunneqarnissaa sanaartornissamut apeqqutaatinneqarpat, § 52,

imm. 3-mi maalaaruteqarnissamut piffissaliussat naatinnagit suliassat taamaattut aallartinneqassanngillat.

Imm. 2. Pisuni immikkut ittuni aammalu qinnuteqartoqareerneratigut maalaaruteqarnissamut piffissarititaasut naatinnagit sanaartugassat aallartinneqarnissaannut Naalakkersuisut akuersissuteqarsinnaapput. Akuersissut taanna maalaarutigineqarsinnaanngilaq.

§ 56. Inatsisartut inatsisaat imaluunniit maleruagassat Inatsisartut inatsisaat tunngavigalugu aalajangersarneqartut malillugit aalajangiinernik eqqartuussivinnut suliassanngortitsinerit, aalajangiinerup pineqartumut nalunaarutigineqarneraniit qaammatit arfinillit qaangiutsinnagit aallartinneqareersimassapput. Aalajangiineq tamanut ammasumik nalunaarutigineqarsimappat, piffissarititaasoq tamatigut nalunaaruteqarnermiit naatsorsorneqartassaaq.

Kapitali 22

Aalajangersakkat allat

§ 57. Inatsisartut inatsisaat, imaluunniit inatsit atuuttoq, matuma Inatsisartut inatsisaata atorunnaarsitaa, tunngavigalugu tunniunneqartut akuersissutit, akuerinninnerit immikkullu ittumik akuersissutit, sukkulluunniit allanngortinnejarsinnaapput utertinneqarsinnaallutilluunniit, avatangiisnik illersuinissap, imaluunniit nunat tamalaat isumaqatigiissutaasa eqqortinnissaat pisariaqartitsilfersitsippata. Utertitsinermi allannguinermiluunniit sapinngisamik naammaginartumik piffissaliisoqassaaq.

§ 58. Kapitalini 2-8-mi kiisalu 10-14-im i maleruagassani taakku malillugit aalajangersarneqartuni aalajangersakkat atuutissanngillat:

- 1) imaarsineq, imaanut eqqaaneq imaluunniit allatut aniatitsineq inuup inuuneranik annaassiniarneq imaluunniit umiarsuup silaannakkuluunniit angallatip isumannaatsuunissaa siunertaralugu pisimappata, imaluunniit
- 2) kuutsitsineq umiarsuup ajoquserneranik, umiarsuup atortuisa ajoqusernerannik umiarsuulluunniit pinngitsoortinnejarsinnaanngitsumik putuneranik peqquteqarpat, ajoqusernerullu imaluunniit putunerup paasineqarnerata kingorna kuutsitsinissaq pinngitsoortinniarlugu millisinniarluguluunniit iliuuserisariaqartut tamarmik iliuuserineqarsimappata, mingutsitsinerlu umiarsuarmik piginnittup, atuisup, umiarsuup naalagaata allalluunniit umiarsuarmi sulianik ingerlataqartut mianersuaalliornerisigut pisimanngippat imaluunniit ajoquersinnaaneq siumoortumik naatsorsorsinnaasimanngippassuk.

§ 59. Naalakkersuisut sumiiffimmi imartaq "imartatut immikkut ittutut" taaneqassasoq aalajangersinnaavaat.

§ 60. Inatsisartut inatsisaat manna, maleruagassallu taanna malillugu aalajangersarneqartut naapertorlugit oqartussaasut aqutsinermut aningaasartuutaannut matussutissatut akitsuutit pillugit maleruagassanik Naalakkersuisut aalajangersaasinnaapput. Aamma ingerlatseqatigiiffinnut akuersissusiortartunut, § 61, imm. 3 naapertorlugu akuerisaasunut akuersissutinik suliaqarnermut misissuinermullu aningaasartuutaannut matussutissatut akitsuutit pillugit maleruagassanik Naalakkersuisut aalajangersaasinnaapput.

§ 61. Oqartussaasut allat isumaqatigiissuteqarfinginerisigut, taakkua piginnaatitaaffinnik, inatsimmi matumani maleruagassanilu taanna malillugu aalajangersaardeqartuni Naalakkersuisunut piginnaatitaaffiliunneqartunik ingerlatsinissamut Naalakkersuisut piginnaatissinnaavaat.

Imm. 2. Piginnaatitaaffiit imm. 1 malillugu oqartussaasumut allamut isumagisassatut piginnaatitsissaasut ingerlanneqarnerinut maleruagassanik Naalakkersuisut aalajangersaasinnaapput. Naalakkersuisut aamma aalajangiinerit imm. 1 malillugu piginnaatitsissuteqarneq naapertorlugu aalajangiunneqartut maalaarutigineqarsinnaanerat pillugu maleruagassanik aalajangersaasinnaapput, taakkununnga aalajangiinerit maalaarutigineqartussaanngitsut ilaatinneqarlutik.

Imm. 3. Taamatuttaaq Naalakkersuisut atugassarititaasut ersarinnerusut tunngavigalugit ingerlatseqatigiiffiit akuersissusiortartut Naalakkersuisut sinnerlugit akuersissutinik allagartaliisarnissamut aammalu umiarsuarni misissuisarnissamut akuersissummik tunisinnaavaat, taakkununnga umiarsuarni misissuisarnerit aamma misissugassanik tigusisarnerit ilaatinneqarlutik.

Imm. 4. Naalakkersuisut ingerlatseqatigiiffiit akuersissusiortartut imm. 3-imi taaneqartut kukkunerinut taarsiissuteqarnissamut akisussaausuussanngillat.

Imm. 5. Naalakkersuisut allagartanik akuersissutinik, imm. 3 naapertorlugu suliarineqartunik namminneerlutik tunniussinissamut misissuinissamullu pisussaaffeqanngillat.

Imm. 6. Imm. 3 naapertorlugu allagartaq akuersissut tunniunneqarpat, ingerlatseqatigiiffiup akuersissusiortartup tamanna kissaatigippagu, ajoqsiinernik suliaqarnerup akuersissummik allagartaliinermi pineqartunut ilaasup ingerlanneqarnerani mianersuaalliorneq nalinginnaasoq pissutigalugu pisunik, akuersissummik allagartaqartup ajoqsiinernut akisussaaffeqarfiinik killeqartitsinissaq pillugu Naalakkersuisut isumaqatigiissuteqarsinnaapput.

Stk. 7. Atugassarititaasut akuersissummik allagartaliinermut tunngavigineqartut malinneqanngippata, akuersissut Naalakkersuisunit utertinneqarsinnaavoq.

Kapitali 23

Pineqaatissiisarneq atuutilersitsinermullu aalajangersakkat

§ 62. Pillaammik akiliisussanngortinnejarsinnaavoq:

1) § 5, imm. 1-imik, § 8-mik, § 10, imm. 1-imik aamma 2-mik, § 11, imm. 1-imik, § 15, imm. 1-imik, § 16, imm. 1-imik, § 19, imm. 1-imik, § 20, imm. 1-imik, § 22-mik, § 25-mik, § 31, imm. 1-imik, 2-mik aamma 4-mik, § 32, imm. 1-imik aamma 3-mik unioqqutitsisunut,

- 2) § 5, imm. 2, § 19, imm. 3, § 23 aamma § 24, imm. 1 naapertorlugit akuersissummut, § 29 naapertorlugu immikkut ittumik akuersissuteqarnermut imaluunniit § 36, imm. 1 naapertorlugu akuersissuteqarnermut atatillugu atugassarititaasunik sumiginnaasunut,
- 3) § 40, imm. 1-5, kiisalu § 41 naapertorlugit nalunaaruteqanngitsoortunut, imaluunniit § 40, imm. 6 naapertorlugu paasissutissanik tunniussinngitsoortunut,
- 4) § 27, § 28, § 45, imm. 1 aamma 2, imaluunniit § 46, imm. 1 naapertorlugit inerteqquqummut peqqusummulluunniit malinninngitsunut,
- 5) § 44 naapertorlugu misissuinernik imaluunniit § 49, imm. 2 aamma 3 naapertorlugit nakkutiginninnermut akerliusoq,
- 6) § 47, imm. 2 naapertorlugu uninngatitsinermut akerliusoq,
- 7) § 35, imm. 2 naapertorlugu atugassarititaasunik sumiginnaasunut imaluunniit aalajangiinerit naammassinissaannut malinninngitsunut, imaluunniit
- 8) immikkut ittumik akuersissuteqarnermi § 15, imm. 4 naapertorlugu atuuttussamut atugassarititaasunik sumiginnaasunut, imaluunniit taamatut immikkut ittumik akuersissuteqarnissamut qinnuteqarnermut atatillugu eqqunngitsunik paassisutissiisunut.

Imm. 2. § 5, imm. 1-imik, § 8-mik, § 10, imm. 1-imik, § 11, imm. 1-imik, § 20, imm. 1-imik, § 22-mik, § 31, imm. 1-imik aamma 4-mik, aamma § 32, imm. 1-imik unioqqutitsisoqarneranut atatillugu akiliisussanngortitsinerup aalajangerneqarnerani, sananeqaatit atortulluunniit kuineqartut, kuutsinneqartut, iginneqartut ikuallanneqartulluunniit annertussusaat tunngavigalugit pillaammik akiliutissaq sakkortusisaq naatsorsorneqassaaq.

Imm. 3. Piaaraluni imaluunniit annertuumik mianersuaalliorluni unioqqutitsisoqarnerani, pillaammik akiligassiissutaasoq annertusineqarsinnaavoq, unioqqutitsinermi:

- 1) avatangiisinik ajoqusiisoqarpat imaluunniit taamatut pisoqarnissaanut ulorianartorsiortitsisoqarpat, imaluunniit
- 2) pineqartup nammineerluni allalluunniit aningaasaqarnerannut, tassungalu ilanggullugu sipaaruteqarnissamut iluaqsiinissaq anguneqarsimappat siunnerfigineqarpalluunniit.

Imm. 4. Pillaammik akiligassiissutit, Inatsisartut inatsisaat manna imaluunniit maleruagassat taanna tunngavigalugu aalajangersarneqartut naapertorlugit pillaammik akiliutigitinneqartut Nunap Karsianut tutsinneqassapput.

§ 63. Maleruagassani, Inatsisartut inatsisaat manna naapertorlugu aalajangersarneqartuni pillaammik akiliinissamut akisussaasunngortitsinissamut maleruagassanik aalajangersaasoqarsinnaavoq. Kiisalu pissutsinik § 62, imm. 2-mi aamma 3-mi taaneqartunut assingusunik pisoqartillugu pillaammik akiliutissap annertussusilerneqarneranik sukannernerulersitsinissaq imaluunniit annertusisitsinissaq aalajangersarneqarsinnaavoq.

§ 64. Naalakkersuisut, politiit aamma Issittumi Sakkutooqarfik umiarsuup nunanit allaneersup nunap imartaata avalliup killeqarfiata iluani, killeqarfiup aningaasaqarnikkut akisussaaffeqarfiusup iluani angalasup imaani avatangiisinut inatsimmik atuuttumik unioqqutitsisimaneranik tunngavissalimmik pasitsaassisimappata, umiarsuaq kinaassutsimik aammalu umiarsualiviup nalunaarsorneqarfiusup suuneranut, umiarsualiviup tikinnejartup kingulliup tikinnejartussallu tulliata suunerinik, paassisutissanillu allanik, unioqqutitsinerup

aalajangiiffiginissaanut pisariaqartinneqartunut paasissutissiinissamut qinnuigineqarsinnaavoq.

§ 65. Inatsisartut inatsisaanni matumani aalajangersakkanik, taannalu tunngavigalugu maleruagassianik aalajangersarneqartunik unioqqutitsineq pillugu suliani uppernarsaatissanik ujarlernertalimmik misissuineq, Kalaallit Nunaanni eqqartuussisaaseq pillugu inatsimmi uppernarsaatissanik ujarlernertalimmik misissuisarneq pillugu maleruagassat malillugit Naalakkersuisunit, politiinit aamma Issittumi Sakkutooqarfimmit ingerlanneqarsinnaavoq.

Imm. 2. Umiarsuaq nunanit allaneersoq aqquaarluni imartap avalliup killeqarfiata iluaniippat, uppernarsaatissanik ujarlernertalimmik misissuineq taamaallaat imm. 1 naapertorlugu pisinnaavoq:

- 1) umiarsuaq imartap ilorliup killeqarfiata iluaniittoq Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat,
- 2) umiarsuaq imartap avalliup killeqarfiata iluaniittoq piffissami aqquaarfingisamini Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat,
- 3) umiarsuaq imartap avalliup killeqarfiata iluatigut piffissami aqquaarfingisamini Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat, imaluunniit
- 4) umiarsuaq killeqarfiup aningaasaqarnikkut akisussaafeqarfiusup immikkoortuata iluaniittoq imartani avatangiisinut inatsimmik atuuttumik unioqqutitsisimasutut naammaginartumik tunngavissalimmik pasitsaanneqarpat, tassalu immami avatangiisit silaannaallu annertuumik mingutsinnejnerinik kinguneqartumik ulorianartorsiortsisumilluunniit immamut annertuumik imaarsisimappat imaluunniit silaannarmut annertuumik aniatitsisimappat, aammalu umiarsuaq paasissutissanik § 64-imi taaneqartunik paasissutissiinissamut itigartitsisimappat, imaluunniit umiarsuarmit paasissutissiissutit pissusiviusunit allaanerusut ersarippat.

Imm. 3. Naalagaaffik umiarsuup erfalasoqarfingisaa tamatumunnga akuersisimappat, imm. 2 atuutissanngilaq.

Imm. 4. Umiarsuaq nunanit allaneersoq unioqqutitsinerup nangissutigisaanik imartami sumiiffimmit ataatsimiit allamut, Kalaallit Nunaata sineriaanit ungasinnerusumut malersorneqarpat (in continenti(ingerlaannartumik)), uppernarsaatissanik ujarlernertalimmik misissuinissamut piumasqaatit, imartami malersuinerup aallartiffiani atuuttut atorneqassapput.

§ 66. § 62-imi imaluunniit § 63-imi maleruagassat aalajangersarneqartut naapertorlugit akisussaatitsisoqarpat, umiarsuaq pineqartoq Naalakkersuisunit, Issittumi Sakkutooqarfimmit imaluunniit politiinit aallaqqusaajunnaartinneqarsinnaavoq.

Imm. 2. Pillaammik akiligassiissutaasup imaluunniit suliamut aningaasartuutit akilerneqarnissaasa qulakkeerneqarnissaannik pisariaqartinneqarpat aallaqqusaajunnaarsitsisoqarsinnaavoq, taamaattorli taamaallaat aningaasat taaneqartut akilerneqarnissaasa imaluunniit tamatumunnga qularnaveeqqusisoqarnissaata tungaanut tamanna pisinnaavoq. Suliamut inaarutaasumik aalajangiinerup kingorna qaammatit marluk iluanni tamanna pinngippat, umiarsuaq atorlugu naammassinnitqarnissaa qinnuteqaatigineqarsinnaavoq. Uuliamik imaarsinermi umiarsuarmik atuisoq umiarsuarmik atuinissamut pisinnaatitaaffeqarsimangippat aallaqqusunnaartoqarsinnaanngilaq.

Imm. 3. Oqartussaasut imm. 1-imí taaneqartut upernarsaatissat, pappiaqqat upernarsaatissallu assingusut tigummigallarsinnaavaat.

Imm. 4. Umiarsuaq nunanit allaneersoq aqquaarnermini imartap killeqarfiani avallermiippat, taamaallaat imm. 1-2 naapertorlugit tigummigallarneqarsinnaavoq:

- 1) umiarsuaq imartap killeqarfiani ilorlermiitilluni Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat,
- 2) umiarsuaq imartap avalliup killeqarfiate iluaniittoq piffissami aqquaarfiginngisamini Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat,
- 3) umiarsuaq imartap avalliup killeqarfiate iluagut aqquaarnermini umiarsuaq imartap killeqarfiate iluaniittoq piffissami aqquaarfigisamini Inatsisartut inatsisaanni matumani aalajangersakkanik imaluunniit taanna tunngavigalugu maleruagassanik aalajangersarneqartunik unioqqutitsisutut naammaginartumik tunngavissalimmik pasitsaanneqarpat, imaluunniit
- 4) umiarsuaq killeqarfip ainingaasaqarnikkut akisussaaffeqarfiusup iluaniittoq imartani avatangiisinut inatsimmiit atuuttumik unioqqutitsisimasoq kinaassusersiunngitsumik upernarsaatissaqarpat, tassalu sinerissap imaluunniit naalagaaffiup sineriaqarfiani soqutigisanut assingusunut, imaluunniit nunap imartaani ainingaasaqarnermulluunniit killeqarfimmi immikkoortumi isumalluutinut annertuumik ajoqsiinermik kinguneqartumik ulorianartorsiortitsisumilluunniit imarsisimappat.

Imm. 5. Naalagaaffik umiarsuup erfalasoqarfigisaa tamatumunnga akuersisimappat, imm. 4 atutissanngilaq.

Imm. 6. Umiarsuaq nunanit allaneersoq unioqqutitsinerup nangissutigisaanik imartami sumiiffimmit ataatsimiit allamut, Kalaallit Nunaata sineriaanit ungasinnerusumut malersorneqarpat (in continenti(ingerlaannartumik)), unitsitsinissamut piumasaqaatit, imartami malersuinerup aallartiffiani atuuttut atorneqassapput.

Imm. 7. Unitsitsinerup aallartinnissaanut Kalaallit Nunaanni eqqartuussisaaseq pillugu inatsimmi kapitali 37-mi, arsaarinnittarnermut tunngasumi, imm. 1-6 naapertorlugu allannguuteqartinneqartoq atorneqassaaq.

§ 67. Inatsisartut inatsisaanni imaluunniit maleruagassani taanna naapertorlugu aalajangersarneqartuni pillaammik akiligassiinissaq tunngavissaqarpat, pillaammik akiligassaq Kalaallit Nunaanni pinerluttulerinermut inatsimmi maleruagassat naapertorlugit suliffeqarfimmuit tutsinneqarsinnaavoq. Namminersorlutik Oqartussat, kommuni imaluunniit kommunit suleqatigiiffiat unioqqutitsisuuppata, aammattaaq Namminersorlutik Oqartussat, kommuni imaluunniit kommunit suleqatigiiffiat pillaammik akiliisussanngortinnejarsinnaapput.

Imm. 2. Inatsisartut inatsisaannik matumannga imaluunniit maleruagassanik taanna naapertorlugu aalajangersarneqartunik unioqqutitsinermi aamma pinerluttulerinermut inatsimmi maleruagassat naapertorlugit arsaarinnittooqarsinnaavoq. Arsaarinnissutaasut Nunap Karsianut tutsinneqassapput.

§ 68. Inatsisartut inatsisaannik unioqqutitsineq pillaammik akiliisussanngortitsinikkut pineqaatissiiffiusinnaasoq, unioqqutitsisoq unioqqutitsinermut pisuusimalluni nalunaaruteqarpat, aammalu piffissaliussap iluani nalunaaruteqarnermi pillaammik akiliutissatut taaneqartumi akiliinissamut piareersimalluni nalunaaruteqarpat, eqqartuussisulersuussinertaqanngitsumik aalajangiiffiqeqarsinnaaneranik Naalakkersuisut nalunaaruteqarsinnaapput. Qinnuteqartoqarneratigut piffissaliussaq Naalakkersuisunit sivitsorneqarsinnaavoq.

Imm. 2. Taamatuttaaq Kalaallit Nunaanni eqqartuussisaaseq pillugu inatsimmi allakkap unnerluussutip imaanut, aammalu unnerluutigisaasup oqaaseqarnissamut pisussaaffeqannginneranut piumasaqaatit pillaammik akiligassiinermut atuutissapput.

Imm. 3. Pillaammik akiligassanngortinnejartoq piffissaq eqqorlugu akilerneqarpat, imaluunniit pisumi aalajangiussaq malillugu akilersinneqarpat malersueqqinnissaq atorunnaassaaq.

§ 69. § 62, imm. 1, nr. 1-imi, 2-mi, 3-mi, 4-mi, 7-imi aamma 8-mi pineqartunik unioqqutitsinerni il.il., kiisalu § 10, imm. 4-mi, § 11, imm. 2-mi, § 12-imi, § 15, imm. 2-mi, § 16, imm. 2-mi, § 18, imm. 3-mi, § 19, imm. 4-mi, § 20, imm. 4-mi, § 21-mi, § 26-mi, § 30, imm. 7-imi, § 31, imm. 5-imi, § 32, imm. 4-mi, §§ 33-35-mi, § 36, imm. 3-mi, § 42-mi aamma § 43-mi maleruagassanik unioqqutitsinerni inatsimmik unioqqutitsinerup uninneraniit ukiut tallimat qaangiunnerini uparuaasoqassanngilaq.

§ 70. Maleruagassat maannamut atuuttut malillugit aalajangiinerit atuutiinnassapput, Inatsisartut inatsisaat manna imaluunniit maleruagassat taanna naapertorlugu aalajangersarneqartut malillugit nutaamik aalajangiisoqarnissaata tungaanut. Aalajangiinernik taamaattunik unioqqutitsinerit, maleruagassat maannamut atuuttut naapertorlugit pineqaatissiivigineqassapput.

Imm. 2. Taamatuttaaq suliat, Inatsisartut inatsisaata atuutilernerani suliarineqartut, maleruagassat maannamut atuuttut naapertorlugit naammassineqassapput.

§ 71. Inatsisartut inatsisaat 1. august 2017 aallarnerfigalugu atortuulersinnejarpooq.

Imm. 2. Tamatuma peqatigisaanik Imaani avatangiisit illersorneqarnissaat pillugu
Inatsisartut peqqussutaat nr. 4, 3. november 1994-imeersoq, kingusinnerusukkut
allannguiteqartinneqartoq atorunnaarsinnejarpooq.
Imm. 3. Kapitali 6-mi, taanna naapertorlugu maleruagassani ilanngussamilu 1-mi
aalajangersakkani, imermik oqimaaloquettamik kinnernillu passussinissamut piumasaqaatit,
ullup imm. 1-mi taaneqartup kingorna ukiut 3 qaangiunneranni atortuulersinnejassapput.

Namminersorlutik Oqartussat, ulloq [indsæt dato]

Kim Kielsen